



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Conciliorvm Omnivm Generalivm Et Provincialivm
Collectio Regia**

Ab anno DCCCCX. ad annum MLXXIII.

Parisiis, 1644

Leges Edgari Regis.

urn:nbn:de:hbz:466:1-15625

LEGES EDGARI REGIS.

LEGES quas Edgarus rex frequenti senatu ad Dei gloriam, regiae maiestatis ornamentum, ac reipublicæ utilitatem sanciuit.

I.

Primum, ecclesia Dei iura atque immunitates suas omnes habeto : decimas quisque primariæ (cui is fuerit subiectus) ecclesiæ, ut ipsum quidem circumducitur aratum, dato, siue id in prædiis thanorum propriis, siue in terris villicorum fuerit.

II.

Thanus si in terra ex scripto possessa templum habuerit, circum quod fuerit destinatus sepulturæ locus, decimorum suarum trientem vnam in id conferre ei integrum esto. Sin circa templum nullus fuerit designatus humationi locus, dato qui est fundi dominus sacerdoti nouem partium reliquarum quantulum visum fuerit. Atque ex omni quidem ingenuorum terra, ipsæ seminum primitiæ primariæ penduntor ecclesiæ.

III.

Quisque fetuum decimas omnes ante pentecosten persoluito : terræ quidem fructuum decimas ante æquinoctium pendito : ipsas autem semenum primitias sub festum diui Martini reddito. Si quis non soluerit, poenas, ut iudicali libro proditum est, dato. Atque si quis decimas, ad eum quem diximus modum, dare noluerit, præpositus regius, illius loci episcopus, & sacerdos conueniunto, atque eo vel inuito decimam ecclesiæ cui debeatur partem, nona ei reliqua facta, reddunto : quod ad residuas octo partes attinet, quatuor dominus, quatuor episcopus habeto ; id quod fiat, siue is fuerit minister regis, siue thani alterius cuiuscumque.

IV.

Denarius autem in domos singulas impositus, ante festum diui Petri redditor, qui tum non soluerit, denarium illum ac alios præterea triginta ad Romam comportato, certaque literarum testificatione domum rediens se eo detulisse confirmato, ac regi denique centum virginis solidos numerato. Si quis secundo non dederit dena-

rium illum ac præterea ter denos Romam deferat, re-
gique postquam redierit ducentos solidos dependito: sin
tertio deliquerit, rebus suis omnibus exuator.

V.

Dies sabbati ab ipsa diei Saturni hora pomeridiana
tertia usque in lunaris diei diluculum festus agitor: qui
non celebrarit, pœnas in iudicali libro descriptas pen-
ditto. Ceteri autem dies, perinde ut fuerint a sacerdote
indicti, festi aguntor. Instituta etiam quam religiosissime
obseruantor ieunia.

LEGVM ECCLESIASTICARVM

EDGARI REGIS PRISCA VERSIO.

- | | |
|-------------------------------------|----------------------------------|
| I. De debitis ecclesiæ reddendis. | v. De non soluentibus denarium |
| II. De ecclesiæ ubi est cœmeterium. | sanceti Petri. |
| III. De terminis decimandi. | vi. De solennitatibus & terminis |
| IV. De nolente decimas dare. | obseruandis. |

Hoc est institutum quod Edgarus rex consilio sapien-
tum suorum instituit Deo ad gloriam, & sibi ad re-
giam dignitatem, & genti suæ ad commodum.

I.

Primum est ut ecclesiæ Dei recti sui dignæ sint, & red-
datur omnis decimatio ad matrem ecclesiam cui parochia
adiacet de terra thaynorum & villanorum sicut aratum
peragrabit.

II.

Si quis thaynorum sit qui feodo suo ecclesiam habeat
vbi cœmeterium sit, det ei tertiam partem decimæ suæ. Si
non sit ibi atrium, det ex suis nouem partibus presbytero
quod vult, & etiam omne ciricſceatum ad matrem eccle-
siam de omni libera domo.

III.

Et omnis decimatio iuuentutis redditæ sit ad Penteco-
sten, & terræ frugum ad æquinoctium, & omne ciricſcea-
tum ad festum sancti Martini, per plenam forisfacturam
quam iudicalis liber dicit.

IV.

Si quis decimam dare noluerit, sicut diximus, adeſt præ,
Concil. Tom. 23.

T ij